

Guangjisi Minzcu Bau

ganbbau: CN45-0036 B.2015 Nd.2 Ng.4 liggaueq gyapngux nienz ndwenlab cibloeg

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3160期

Bonj Sawyw Ywcuengh Camz Lwed Ywbingh Banj Sawcuengh Yaek Oksaw Fathengz

壮族医药书籍《壮医刺血疗法技术规范与应用研究》壮文版即将出版发行

Bonjbauq siusik(gicej Suh Gyahgvai/苏加快) Bonj sawyw Ywcuengh Camz Lwed Ywbingh youz guek raeuz boux Ywcuengh cujyin yihsw daih' it Lij Linz cawjbien 《Yenzgiu Gij Gisuz Cauhcoz Gveihfan Caeuq Wngq-yungh Ywcuengh Camz Lwed Ywbingh》gaenq ndaej hoiz baenz Sawcuengh, yawhgeiq mbouj geij nanz couh yaek caeuq gyoengq bouxdoeg raennaj lo.

Bonj sawyw Ywcuengh camz lwed ywbingh neix dwg Guengjsae Bouxcuengh raeuz sawyw ndawde bonj daih' it baeznduj hoiz baenz Sawcuengh, miz lijewngzbeih yi

hungloet. Bonj sawyw neix baen miz bien baihgwnz, bien cungqgyang, bien baihlaj sam bien. Bien baihgwnz dwg gij gisuz cauhoz gveihfan Ywcuengh camz lwed ywbingh fuengfap, ndawde genjdanh gaisau le gij lizsij Ywcuengh camz lwed ywbingh, gihbwnj lijun, cujyau daegdiemj, cozyung gihlij, senj giz hezvei, cauhoz fuengfap caeuq haeujsim saehhangh daengj. Bien cungqgyang dwg linzcangz wngq-yungh Ywcuengh camz lwed fuengfap, cungdenj gaisau le Ywcuengh camz lwed yw neigoh, vaigoh, fugoh, wzgoh, vujgvanhgoh, binghip daengj goh 70 lai cungj

bingh ciengz raen caeuq yw mbanj bingh ngeiznanz. Bien baihlaj daihgaiq gaisau le ciuhneix yenzgiu Ywcuengh camz lwed fuengfap, baugvat 40 lai cungj bingh baenzlawz guh linzcangz yenzgiu caeuq saedniemh yenzgiu daengj.

Bonj sawyw neix ndaej fanhoiz baenz Sawcuengh oksaw, de couh yaek doiq Ywcuengh cienzboq caeuq doigvangq miz cizgiz cungyau coicaenh cozyung, caemh vih hozcoz yihliuz lajmbanj moq caeuq ndawsingz segih veiswng h gensez fazcanj guh ok faenh gungyen ndeu.

SIUSIK DINJ

简讯

● 1 nyied 28 hau banhaet, Lingz-yinz Yen Cauzlij Yauzcuz Yangh vwnzva gvangjangz, gij heiquenghduenz dai aen yangh neix nem Denzlinz Yen Licouh Yauzcuz Yangh daeuj de gungh yienj le 5 aen cezmuiz Heiquengh. Haujlai nungzminz dai gak dieg daeuj yienhciegz comz yawj.

(Vangz Yenzjungz)

● 1 nyied 28 hau, Liujcwngz Yen gij hanghmoeg aeu cienzngaenz bangfuz minzcuz vnz haemq noix fazcanj de cienzbouh doenggvaq niemhsou caemh-caiq ndaej yungh. Buek hanghmoeg neix gungh roengz 283 fanh maenz, guh hanghmoeg roen doeng mbanj 6 aen, gunghcwngz gwnraemx 2 aen; guh mbanj daegsaek aen ndeu. Gij hanghmoeg neix hawj Gujcai Mulaujcuz Yangh 8000 lai ginzchung souh'ik.

(Veiz Ginzvah)

● 1 nyied 26 hau, Bingzgoj Yen Dungzlauj Yangh Nazluz Cunh Mbanj-luzbu doeng roen lo. Ciuq cam rox, Nazluz Cunh dwg aen cunh Yauzcuz caez, Mbanjluzbu miz 29 ranz 111 vnz, soqlaiz youq diegbya. Bi' gvaq, Bingzgoj Yen Minzcuzgiz comz ndaej 10 fanh maenz, haenqrengz guh 2 ndwen, guh baenz diuz roen doeng mbanj 4.5 mij gvangq 3.6 goengleix raez.

(Lij Gyanghlanz)

● 1 nyied 28 hau, Lozcwngz Mulaujcuz Swciyen youq henz Dahvuj-yangz guh hozdung cuengq byalgw roengz dah, yizcwng bumwnz comz vnz daeuj dawz 27 fanh duz byalgw cuengq roengz ndaw dah bae. Ciuq cam rox, Hozciz Si guh baez hozdung cuengq bya roengz dah neix, gungh youq gak yienh(si, gih) ndaw dah cuengq 200 lai fanh duz byalgw.

(Mungz Cwnghsw)

● Daj 2009 nienz daengz 2014 nienz, Gunghcwngz Yauzcuz Swciyen gungh roengz cienzngaenz gajguh ranzyiemj 29870 lai fanh maenz, ndawde ndaw yienh hawj 1316 fanh, baihgwnz hawj 9334 fanh, vnzlai gag comz 19200 lai fanh, gajguh le ranzyiemj lajmbanj 6200 hoh, 2 fanh lai vnz saujsu minzcuz souh'ik.

(Cai Gijyangz)

Aen Hozdung Doxcomz Eu Fwen Ciengq Minzcuz Doxgiat Youq Vujmingz Gawjhengz

民族团结山歌会在武鸣举行



Bonjbauq siusik (gicej Vangz Hauyinz/黄浩云) 1 nyied 28 hau, aen hozdung eu fwen "hungzyangz nem hengzguh seveicujyi hwzsinh gyacizgvanh gya' ndei minzcuz doxgiat" youq Vujmingz Yen vwnzva gvangjangz gawjhengz. Baez hozdung neix youz Nanzningz Si Minzveij, Gvangsijh Sam Nyied Sam Cazcise, Nanzningz Si Minzyijveij doengcaez cawjbanh, Vujmingz Yen Minzcunghgiz (Minzyijgiz), Vujmingz Yen Vwnzlenz, Vujmingz Yen Sanhgoh(Fwen) Hezvei coenghbanh. Swcigih Minzveij, Swcigih Minzyijveij mbanj lingjdauj camgya. Ndaw doz dwg gyoengq canghfwen Bouxcuengh dangdieg cingq youq gwnz daiz eu fwen.

Denhdwngj Yen Roengz 3 Ik Maenz Youq Mbanj Saujsu Minzcuz Guh Ndei Gihcuji Sezsih

天等县投入3亿元改善少数民族农村基础设施

Bi' gvaq, Denhdwngj Yen dawz gij saeh gajndeiz minzswng h (swng hcanj swng hhoz) dangguh gienh saeh ceiq youqgaenj ndeu daeuj guh, heuh fazgaij, suijli, gyauhdung, caizcwng, gyauyuz daengj bumwnz comz 3 ik maenz, dawz gij cienzngaenz neix daeuj youq mbanj saujsu minzcuz guh

gihcuji sezsih, hawj gij diuzgen swng hcanj swng hhoz lajmbanj de ndaej gajndeiz gig lai, coi ginghci lajmbanj fazcanj. Bi' gvaq aen yienh neix gungh roengz 4200 fanh maenz coih roen mbanj 96 diuz. Doengzseiz, aen yienh neix doenggvaq lai fuengmienh comz cienzngaenz, gyavaiq guh suijli

gunghcwngz lajmbanj, daengz dangqna, gungh roengz 3165 fanh maenz youq lajmbanj guh raemxgwn ancienz gunghcwngz, hawj 1.8 fanh vnz onjsim gwn raemx; roengz 7366 fanh maenz guh gunghcwngz dwkraemx coq reihnaz daengj 16 giz.

(Vangz Lilanz/黄丽兰)